

21.02.2022թ

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 461005/03

ՎԱՐՉԱԿԱՆ ԻՐԱՎԱԽԱՒԱՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, ուսումնասիրելով 21.02.2022թ թիվ 7259
վարչական իրավախախտման վերաբերյալ գործը,

ՊԱՐԶԵՑԻ

Համաձայն ՀՀ Հարկային օրենսգրքի 75-րդ հոդվածի՝ «ՋԵՅՐԱՆ» ՍՊԸ տնօրեն Իրինա Ջեյրանյանը (ՀՎՀՀ՝ 01515798՝ ք. Երևան Եր Քոչարի 17 9) սահմանված ժամկետում չի ներկայացրել 2021 թվականի նոյեմբեր ամսվա ավելացված արժեքի հարկի և ակցիզային հարկի միասնական հաշվարկը, որի համար նախատեսվում է պատասխանատվություն վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով:

Կողմը պատշաճ ծանուցված լինելով ներկայացրել է դիմում, որով հայտնել է, որ ներկա պահին չունի փաստաբան և հնարավորություն չունի մասնակցելու վարչական լուսմներին, ուստի փաստաբան ներգրավելու և վարչական վարույթի նյութերին ծանոթանալու նպատակով խնդրել է հետաձգել նշանակված վարչական լուսմները և թույլատրել ծանոթանալ վարչական վարույթի նյութերին:

Համաձայն «Վարչարարության հիմունքների և վարչական վարույթի մասին» ՀՀ օրենքի 35-րդ հոդվածի՝ վարչական մարմինը իր նախաձեռնությամբ վարչական վարույթ հարուցելիս վարույթի մասնակիցներին կամ նրանց ներկայացուցիչներին պատշաճ ձևով ծանուցում է վարչական վարույթ հարուցելու մասին: Նույն օրենքի 38-րդ հոդվածի՝ համաձայն՝ վարչական մարմինը վարչական վարույթի ընթացքում պարտավոր է վարույթի մասնակիցներին և նրանց ներկայացուցիչներին հնարավորություն տալ արտահայտվելու վարչական վարույթում քննարկվող փաստական հանգամանքների վերաբերյալ, ինչպես նաև նույն օրենքի 23-րդ հոդվածի՝ վարչական վարույթում վարույթի մասնակիցները կարող են մասնակցել ինքնուրույն:

Համաձայն վարչական իրավախախտումների վերաբերյալ ՀՀ օրենսգրքի 37-րդ հոդվածի 1-ին մասի՝ վարչական տույժը կարող է նշանակվել իրավախախտումը կատարվելու օրվանից ոչ ուշ, քան երկու ամսվա ընթացքում:

Առաջնորդվելով վերոգրյալ իրավանորմերի դրույթներով՝ հարկ է նշել, որ վարչական մարմնի կողմից հնարավորություն է տրվել վարչական տույժ նշանակելու երկամսյա ժամկետում վարույթի մասնակցին արտահայտվելու վարչական վարույթում քննարկվող փաստական հանգամանքների վերաբերյալ, ինչպես նաև նշենք, որ վարչական տույժ կարող է նշանակվել ներառյալ 21.02.2022թ, հետևաբար վարչական վարույթը չի կարող հետաձգվել օրենսդրության պահանջներից ելնելով:

Ելնելով վերոգրյալից և նկատի ունենալով, որ Իրինա Ջեյրանյանը մեկ տարվա ընթացքում չի կատարել իրավախախտում, որը սույն գործով դիտվում է պատասխանատվությունը մեղմացնող հանգամանք, ուստի ղեկավարվելով վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 33-րդ, 244², 281 հոդվածներով և 282 հոդվածի 1-ին մասի 1-ին կետով՝

ՈՐՈՇԵՑԻ

Համաձայն վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասի՝ Իրինա Ջեյրանյանի նկատմամբ կիրառել վարչական տույժ՝ նշանակել տույժը 10 000 (տասը հազար) դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ծանոթություն. վարչական իրավախախտումների վերաբերյալ ՀՀ օրենսգրքի համաձայն՝ վարչական տույժ նշանակելը վարչական իրավախախտում կատարած անձին չի ազատում այն պարտականությունից, որը չկատարելու համար նշանակվել էր վարչական տույժ (հոդված 40)՝ վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելու օրվանից հետո երեսույն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեհամարին. 900005240487 վճարման անդորրագրի <<նպատակ>> դաշտում պարտադիր նշելով որոշման համարը: Տուգանք ընշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով:

Ստացա որոշման պատճենը